



Broj: 05/1-50-15-26-20-4/23

Sarajevo, 24. 1.2023.

IZVJEŠTAJ

**o radu Nezavisnog odbora kao nezavisnog tijela policijske strukture
Bosne i Hercegovine za 2022. godinu**

Januar 2023. godine

SADRŽAJ

| | |
|---|-----------|
| POGLAVLJE I. UVODNE NAPOMENE | 3 |
| POGLAVLJE II. NADLEŽNOSTI NEZAVISNOG ODBORA | 4 |
| POGLAVLJE III. IZVRŠAVANJE ZADATAKA IZ NADLEŽNOSTI NEZAVISNOG ODBORA..... | 4 |
| Odjeljak A. Realizacija zadataka održavanjem redovnih sjednica Nezavisnog odbora.. | 5 |
| Odjeljak B. Realizacija zadataka održavanjem sastanaka s rukovodiocima policijskih tijela BiH u skladu s Planom rada za 2022. | 11 |
| 1. Posjeta Direkciji za koordinaciju policijskih tijela BiH, 14. 11. 2022. | 12 |
| 2. Posjeta Graničnoj policiji BiH, 14. 11. 2022. | 13 |
| 3. Posjeta Državnoj agenciji za istrage i zaštitu, 14. 11. 2022. | 15 |
| POGLAVLJE IV. SARADNJA S MEĐUNARODNIM ORGANIZACIJAMA I OSIGURANJE JAVNOSTI RADA..... | 16 |
| POGLAVLJE V. ADMINISTRATIVNO-TEHNIČKA PODRŠKA RADU..... | 17 |
| POGLAVLJE VI. PREPORUKE I ZAKLJUČCI..... | 17 |

Na osnovu člana 7. stav (1) tačka e) Zakona o nezavisnim i nadzornim tijelima policijske strukture Bosne i Hercegovine i člana 9. tačka e) Poslovnika o radu Nezavisnog odbora kao nezavisnog tijela policijske strukture Bosne i Hercegovine, Nezavisni odbor je na 20. sjednici, održanoj 24. 1. 2023, usvojio i Parlamentarnoj skupštini Bosne i Hercegovine podnosi sljedeći

I Z V J E Š T A J

o radu Nezavisnog odbora kao nezavisnog tijela policijske strukture Bosne i Hercegovine za 2022. godinu

POGLAVLJE I. UVODNE NAPOMENE

Nezavisni odbor osnovan je Zakonom o nezavisnim i nadzornim tijelima policijske strukture Bosne i Hercegovine ("Službeni glasnik BiH", broj 36/08), kao nezavisno tijelo Parlamentarne skupštine BiH.

Nezavisni odbor ima devet članova koji su imenovani na mandat od četiri godine odlukom Parlamentarne skupštine BiH ("Službeni glasnik BiH", broj 10/21).

Nezavisni odbor kao nezavisno tijelo policijske strukture BiH (u daljnjem tekstu: Nezavisni odbor) tijelo je Parlamentarne skupštine BiH s nadležnostima utvrđenim Zakonom o nezavisnim i nadzornim tijelima policijske strukture BiH („Službeni glasnik BiH“, broj 36/08) i Poslovníkom o radu Nezavisnog odbora („Službeni glasnik BiH“, broj 93/09). Na osnovu člana 5. st. (1) i (3) Zakona o nezavisnim i nadzornim tijelima policijske strukture BiH („Službeni glasnik BiH“, broj 36/08), Parlamentarna skupština BiH je (Predstavnički dom na 16. sjednici, održanoj 3. 2. 2021, i Dom naroda na 15. sjednici, održanoj 10. 2. 2021), imenovala novi saziv Nezavisnog odbora na mandat od četiri godine, i to:

1. Enes Obralića, predsjednik Nezavisnog odbora,
2. Miše Ćavar, prvi zamjenik predsjednika Nezavisnog odbora,
3. Uroš Pena, drugi zamjenik predsjednika Nezavisnog odbora,
4. Muhamed Mujakić, član Nezavisnog odbora,
5. Enes Bezdob, član Nezavisnog odbora,
6. Mate Miletić, član Nezavisnog odbora,
7. Nikola Džambas, član Nezavisnog odbora,
8. Darko Kremenović, član Nezavisnog odbora, i

9. Milan Stanić, član Nezavisnog odbora.

POGLAVLJE II. NADLEŽNOSTI NEZAVISNOG ODBORA

Nezavisni odbor je, u skladu sa Zakonom o nezavisnim i nadzornim tijelima policijske strukture BiH i Poslovníkom o radu Nezavisnog odbora, nadležan za provođenje procesa odabira kandidata i predlaganje smjenjivanja policijskih rukovodilaca i zamjenika rukovodilaca policijskih tijela BiH; objavljivanje javnih konkursa i razmatranje prijave kandidata, vršenje odabira i dostavljanje ministru sigurnosti BiH, odnosno Vijeću ministara BiH, imena najviše pet kandidata za rukovodioce i imena najviše pet kandidata za zamjenike rukovodilaca policijskih tijela BiH, predlaganje smjenjivanja rukovodilaca i zamjenika rukovodilaca policijskih tijela BiH, ako su počinili krivično djelo, osim za krivična djela iz oblasti sigurnosti saobraćaja, ili ako počine tešku povredu službene dužnosti, kao i u slučaju ako utvrdi da ne postižu odgovarajuće rezultate, razmatranje pritužbi na rad rukovodilaca i zamjenika rukovodilaca policijskih tijela BiH i obavještanje o tome ministra sigurnosti BiH i Vijeće ministara BiH, iniciranje pokretanja disciplinskog postupka protiv rukovodilaca i zamjenika rukovodilaca policijskih tijela BiH, obradu podataka i vođenje evidencije u skladu sa zakonom i drugim propisima i ostale poslove propisane zakonom, Poslovníkom o radu i drugim propisima.

POGLAVLJE III. IZVRŠENJE ZADATAKA IZ NADLEŽNOSTI NEZAVISNOG ODBORA

Osnovna nadležnost Nezavisnog odbora je provođenje procesa odabira kandidata za rukovodioce i zamjenike rukovodilaca policijskih tijela BiH, te u vezi s tim objavljivanje javnih konkursa i razmatranje prijave kandidata, vršenje odabira i dostavljanje ministru sigurnosti BiH, odnosno Vijeću ministara BiH, imena najviše pet kandidata za rukovodioce i imena najviše pet kandidata za zamjenike rukovodilaca policijskih tijela BiH.

U vezi s navedenim, Nezavisni odbor je u 2022. godini proveo i u okvirima svoje nadležnosti okončao proceduru odabira kandidata za izbor direktora i zamjenika direktora policijskih tijela Bosne i Hercegovine, i to za: direktora Granične policije Bosne i Hercegovine (jedan izvršilac), zamjenika direktora Granične policije Bosne i Hercegovine (jedan izvršilac), zamjenika direktora Državne agencije za istrage i zaštitu (jedan izvršilac), direktora Direkcije

za koordinaciju policijskih tijela Bosne i Hercegovine (jedan izvršilac) i zamjenika direktora Direkcije za koordinaciju policijskih tijela Bosne i Hercegovine (dva izvršioca).

Nezavisni odbor je u toku 2022. godine redovno održavao komunikaciju s rukovodiocima policijskih agencija po svim bitnim pitanjima iz njihovog djelokruga, s posebnim naglaskom na aktivnosti koje su policijska tijela preduzimala u vezi s događanjima koja su izazivala veću medijsku pažnju.

Osim ove nadležnosti, Nezavisni odbor nadležan je i za predlaganje smjenjivanja rukovodilaca i zamjenika rukovodilaca policijskih tijela BiH, te iniciranje pokretanja disciplinskih postupaka protiv rukovodilaca policijskih agencija BiH.

Odjeljak A. Realizacija zadataka održavanjem redovnih sjednica Nezavisnog odbora

U izvještajnom periodu Nezavisni odbor održao je 11 redovnih sjednica na kojima su razmatrane ukupno 42 tačke dnevnog reda i pet podtačaka, te su donesena dva zaključka.

| Broj i datum održavanja sjednice | Broj razmatranih tačaka dnevnog reda na sjednici | Broj prisutnih članova sjednicama Nezavisnog odbora | Broj članova koji nisu bili prisutni sjednicama Nezavisnog odbora | Zakazivane pa otkazivane sjednice iz objektivnih razloga |
|-------------------------------------|--|---|---|--|
| 9. sjednica - 25.1.2022. | 2 | 9 | | |
| 10. sjednica - 19.4.2022. | 5 | 8 | 1 | 22.2.2022., 28.2.2022. (1. hitna), 15.3.2022. i 29.3.2022. |
| 11. sjednica - 17.5.2022. | 6 | 8 | 1 | |
| 12. sjednica - 22.6.2022. | 3 | 9 | | |
| 13. sjednica - 19.7.2022. | 3 | 9 | | |
| 14. sjednica - 19.7.2022. | 2 | 9 | | |
| 15. sjednica - 9.8.2022. | 4 | 9 | | |
| 16. sjednica - | 3 | 9 | | |

| | | | | |
|--------------------------------------|---|---|--|--|
| 20.9.2022. | | | | |
| 17. sjednica - 24.10.2022. | 3 | 9 | | |
| 18. sjednica - 14.11.2022. | 5 | 9 | | |
| 19. sjednica - 12.12.2022. | 6 | 9 | | |

Nezavisni odbor je na sjednicama razmatrao pitanja iz svoje nadležnosti, od kojih izdvajamo:

Na 9. sjednici Nezavisnog odbora, održanoj 25. 1. 2022, razmatrana je predstavka dostavljena na e-mail Nezavisnog odbora za koju je, nakon rasprave, jednoglasno konstatirano da Nezavisni odbor nije nadležan za njeno rješavanje te da se ona stavi ad acta.

Također, dogovoreno je da se za sljedeću sjednicu pripremi Odluka o raspisivanju Javnog konkursa za provođenje procedure odabira kandidata na pozicije direktora i zamjenika direktora policijskih tijela Bosne i Hercegovine kao i tekst Javnog konkursa za provođenje procedure odabira kandidata za izbor direktora i zamjenika direktora policijskih tijela Bosne i Hercegovine.

Na 10. sjednici Nezavisnog odbora, održanoj 19. 4. 2022, članovi Nezavisnog odbora jednoglasno su usvojili Izvještaj o radu Nezavisnog odbora kao nezavisnog tijela policijske strukture Bosne i Hercegovine za 2021. godinu i Plan rada Nezavisnog odbora kao nezavisnog tijela policijske strukture Bosne i Hercegovine za 2022. godinu koji su, u skladu s članom 7. stav (1) Zakona o nezavisnim i nadzornim tijelima policijske strukture Bosne i Hercegovine i članom 9. Poslovnika o radu Nezavisnog odbora kao nezavisnog tijela policijske strukture BiH, proslijeđeni Parlamentarnoj skupštini BiH na usvajanje.

Dalje, u skladu s dogovorom s prošle sjednice razmatrana je Odluka o raspisivanju Javnog konkursa za provođenje procedure odabira kandidata na pozicije direktora i zamjenika direktora policijskih tijela Bosne i Hercegovine kao i tekst Javnog konkursa za provođenje procedure odabira kandidata za izbor direktora i zamjenika direktora policijskih tijela Bosne i Hercegovine nakon čega je, sa 7 glasova "za" i jednim glasom "suzdržan", usvojen sljedeći

ZAKLJUČAK

Nezavisni odbor odlučio je da se Prijedlog odluke o raspisivanju Javnog konkursa za provođenje procedure odabira kandidata na pozicije direktora i zamjenika direktora policijskih tijela Bosne i Hercegovine i tekst Javnog konkursa vrata na dodatnu doradu.

Razmatrana je i predstavka pristigla na e-mail Nezavisnog odbora nakon čega je donesen sljedeći

ZAKLJUČAK

Na osnovu odredbe iz člana 14. stav 2) Poslovnika o radu Nezavisnog odbora kao nezavisnog tijela policijske strukture BiH, Nezavisni odbor odbacuje predstavku kao neosnovanu o čemu će njen podnosilac biti obaviješten.

Dalje, razmatrane su i dvije predstavke za koje je Nezavisni odbor jednoglasno konstatirao da nije nadležan za njihovo rješavanje te da se stave ad acta.

Na 11. sjednici Nezavisnog odbora, održanoj 17. 5. 2022, članovi Nezavisnog odbora jednoglasno su usvojili Odluku o raspisivanju Javnog konkursa za provođenje procedure odabira kandidata na pozicije direktora i zamjenika direktora policijskih tijela Bosne i Hercegovine i tekst Javnog konkursa.

Dalje, jednoglasno su usvojeni izvještaji o posjeti članova Nezavisnog odbora Državnoj agenciji za istrage i zaštitu, upriličenoj 14. 7. 2021, i posjeti Graničnoj policiji BiH, upriličenoj 30. 8. 2021.

Također, jednoglasno su primljeni k znanju programi rada za 2022. godinu Direkcije za koordinaciju policijskih tijela BiH, Granične policije BiH i Državne agencije za istrage i zaštitu.

Na 12. sjednici Nezavisnog odbora, održanoj 22. 6. 2022, članovi Nezavisnog odbora razmatrali su pristigle prijave na Javni konkurs za provođenje procedure odabira kandidata za izbor direktora i zamjenika direktora policijskih tijela Bosne i Hercegovine. Konstatirano je da je blagovremeno pristigla 21 prijava. Nakon uvida u sve pristigle prijave, članovi Nezavisnog odbora konstatirali su da su se na Javni konkurs prijavili sljedeći kandidati: Edin Malkić, na poziciju zamjenika direktora Granične policije BiH, Mirko Kuprešaković, na pozicije direktora Granične policije BiH i zamjenika direktora Državne agencije za istrage i zaštitu, Admir Gazić na pozicije direktora Direkcije za koordinaciju policijskih tijela BiH, zamjenika direktora Direkcije za koordinaciju policijskih tijela BiH, direktora Granične policije BiH, zamjenika direktora Granične policije BiH i zamjenika direktora Državne agencije za istrage i zaštitu, Ivica Bošnjak na pozicije zamjenika direktora Direkcije za koordinaciju policijskih tijela BiH i zamjenika direktora Državne agencije za istrage i zaštitu, Robert Perić na pozicije zamjenika direktora Direkcije za koordinaciju policijskih tijela BiH i direktora Granične policije BiH, Ensad Korman na pozicije direktora Direkcije za koordinaciju policijskih tijela BiH i zamjenika direktora Granične policije BiH, Vladimir

Popović na pozicije direktora Granične policije BiH i zamjenika direktora Državne agencije za istrage i zaštitu, Jovica Lazić na poziciju zamjenika direktora Direkcije za koordinaciju policijskih tijela BiH, Almir Bašić na pozicije direktora Direkcije za koordinaciju policijskih tijela BiH i zamjenika direktora Granične policije BiH, Đuro Knežević na pozicije zamjenika direktora Direkcije za koordinaciju policijskih tijela BiH i zamjenika direktora Državne agencije za istrage i zaštitu, Amra Aljić na pozicije direktora Direkcije za koordinaciju policijskih tijela BiH i zamjenika direktora Granične policije BiH, Relja Kovač na pozicije direktora Direkcije za koordinaciju policijskih tijela BiH, zamjenika direktora Direkcije za koordinaciju policijskih tijela BiH, direktora Granične policije BiH, zamjenika direktora Granične policije BiH i zamjenika direktora Državne agencije za istrage i zaštitu, Žarko Kalem, na poziciju zamjenika direktora Državne agencije za istrage i zaštitu, Mirsad Delilović, na poziciju direktora Direkcije za koordinaciju policijskih tijela BiH, Ranko Vuković na poziciju zamjenika direktora Direkcije za koordinaciju policijskih tijela BiH, Goran Amidžić na poziciju zamjenika direktora Direkcije za koordinaciju policijskih tijela BiH, Fahrudin Halač na pozicije direktora Direkcije za koordinaciju policijskih tijela BiH i zamjenika direktora Granične policije BiH, Svevlad Hofman na poziciju direktora Granične policije BiH, Zoran Galić na pozicije zamjenika direktora Direkcije za koordinaciju policijskih tijela BiH i zamjenika direktora Državne agencije za istrage i zaštitu, Slobodan Krstić na poziciju zamjenika direktora Direkcije za koordinaciju policijskih tijela BiH i Dragan Kulić na poziciju zamjenika direktora Direkcije za koordinaciju policijskih tijela BiH. Prijave svih kandidata Nezavisni odbor je prihvatio kao potpune i blagovremene izuzev prijave Đure Kneževića za poziciju zamjenika direktora Državne agencije za istrage i zaštitu iz razloga što bi to eventualno predstavljalo treći uzastopni mandat na istoj poziciji, dok je prijavu imenovanog na mjestu zamjenika direktora Direkcije za koordinaciju policijskih tijela BiH Nezavisni odbor prihvatio.

Dogovoreno je da se po službenoj dužnosti dopisom zatraži od nadležnih ministarstava unutrašnjih poslova dokaz o neosuđivanju, nakon čega će kandidati biti pozvani na intervju.

Na 13. sjednici Nezavisnog odbora, održanoj 19. 7. 2022, razmatran je Zahtjev kandidata u konkursnoj proceduri za odgađanjem intervjua i Zahtjev za izuzećem predsjednika Nezavisnog odbora Enesa Obraliije i kompletnog saziva Nezavisnog odbora Parlamentarne skupštine BiH iz procedure Javnog konkursa za provođenje procedure odabira kandidata za izbor direktora i zamjenika direktora policijskih tijela Bosne i Hercegovine. Nakon rasprave jednoglasno je zaključeno da Zahtjev za odgađanje intervjua nije osnovan a Zahtjev za

izuzećem predsjednika Nezavisnog odbora Enesa Obralije i kompletnog saziva Nezavisnog odbora Parlamentarne skupštine BiH iz procedure Javnog konkursa za provođenje procedure odabira kandidata za izbor direktora i zamjenika direktora policijskih tijela Bosne i Hercegovine je dostavljen Parlamentarnoj skupštini BiH, o čemu je podnosilac Zahtjeva pismeno obaviješten.

Dalje, članovi Nezavisnog odbora na intervju su pozvali 21 kandidata koji se prijavio i koji ispunjava uslove Javnog konkursa za provođenje procedure odabira kandidata za izbor direktora i zamjenika direktora policijskih tijela Bosne i Hercegovine: Amru Aljić, Gorana Amidžića, Almira Bašića, Ivicu Bošnjaka, Mirsada Đelilovića, Zorana Galića, Admira Gazića, Fahrudina Halača, Svevlada Hofmana, Žarka Kalema, Đuru Kneževića, Ensada Kormana, Relju Kovača, Slobodana Krstića, Dragana Kulića, Mirka Kuprešakovića, Jovicu Lazića, Edina Malkića, Roberta Perića, Vladimira Popovića i Ranka Vukovića.

Na intervju se odazvalo 18 kandidata, dok su tri kandidata odustala (Žarko Kalem, Slobodan Krstić i Edin Malkić).

Na 14. sjednici Nezavisnog odbora, održanoj 19. 7. 2022, članovi Nezavisnog odbora utvrdili su konačnu rang-listu uspješnih kandidata prijavljenih na Javni konkurs za provođenje procedure odabira kandidata za izbor direktora i zamjenika direktora policijskih tijela Bosne i Hercegovine koja je, u skladu s članom 13. stav (2) Poslovnika o radu Nezavisnog odbora kao nezavisnog tijela policijske strukture BiH, dostavljena ministru sigurnosti BiH na daljnje postupanje.

R A N G - L I S T A uspješnih kandidata

I. Za poziciju direktora Direkcije za koordinaciju policijskih tijela Bosne i Hercegovine

1. Mirsad Đelilović (90,00 bodova)
2. Ensad Korman (65,55 bodova)

II. Za poziciju zamjenika direktora Direkcije za koordinaciju policijskih tijela Bosne i Hercegovine (2 izvršioca)

1. Goran Amidžić (84,44 bodova)
2. Đuro Knežević (83,88 bodova)
3. Dragan Kulić (82,22 bodova)
4. Ranko Vuković (81,11 bodova)
5. Ivica Bošnjak (62,22 bodova)

III. Za poziciju direktora Granične policije Bosne i Hercegovine

1. Robert Perić (90, 55 bodova)
2. Mirko Kuprešaković (67,77 bodova)

IV. Za poziciju zamjenika direktora Granične policije Bosne i Hercegovine

1. Fahrudin Halač (78,88 bodova)
2. Amra Aljić (65,00 bodova)

V. Za poziciju zamjenika direktora Državne agencije za istrage i zaštitu

1. Zoran Galić (83,33 bodova)
2. Vladimir Popović (61,11 bodova)

Na 15. sjednici Nezavisnog odbora, održanoj 9. 8. 2022, članovi Nezavisnog odbora su razmatrali Zaključke Privremene istražne komisije Predstavničkog doma Parlamentarne skupštine BiH za utvrđivanje stanja u pravosudnim institucijama Bosne i Hercegovine a po pitanju svjedočenja zaposlenice Direkcije za koordinaciju policijskih tijela BiH, kao i tonski zapis 36. sjednice Privremene istražne komisije. S ciljem sagledavanja potpune informacije na sjednicu Nezavisnog odbora pozvan je direktor Direkcije za koordinaciju policijskih tijela BiH Mirsad Vilić kako bi se izjasnio o svim navodima iz svjedočenja zaposlenice Direkcije za koordinaciju policijskih tijela BiH.

Nakon rasprave jednoglasno je utvrđen odgovor koji je dostavljen Privremenoj istražnoj komisiji.

Dogovoreno je i da se u saradnji s predstavnicom Delegacije Evropske unije u Bosni Hercegovini Dijanom Stevanović putem programa TAIEX preda aplikacija za studijsku posjetu članova Nezavisnog odbora nekoj od zemalja Evropske unije, a koja bi podrazumijevala posjetu njihovom nezavisnom odboru.

Na 16. sjednici Nezavisnog odbora, održanoj 20. 9. 2022, razmatran je Zahtjev ombudsmena za ljudska prava Bosne i Hercegovine za izjašnjenje na žalbu koju je podnio jedan kandidat u konkursnoj proceduri za izbor direktora i zamjenika direktora policijskih tijela BiH. Nakon rasprave usvojeno je Izjašnjenje koje je dostavljeno Instituciji ombudsmena za ljudska prava Bosne i Hercegovine.

Na 17. sjednici Nezavisnog odbora, održanoj 24. 10. 2022, usaglašeni su termini i timovi za posjete policijskim agencijama iz nadležnosti Nezavisnog odbora koje su obavljene 14.11.2022. S tim u vezi usaglašeno je da timovi koji su ranije bili u posjeti određenoj

policijskoj agenciji ne idu ponovo u istu agenciju nego u drugu kako bi sagledali stanje a ujedno bi se i rotirali timovi.

Na 18. sjednici Nezavisnog odbora, održanoj 14. 11. 2022, razmatrane su informacije o:

- posjeti članova Nezavisnog odbora Direkciji za koordinaciju policijskih tijela BiH u kojoj su, u skladu s dogovorom s 17. sjednice, bili: Uroš Pena, drugi zamjenik predsjednika Nezavisnog odbora, Nikola Džambas i Muhamed Mujakić, članovi Nezavisnog odbora;
- posjeti članova Nezavisnog odbora Graničnoj policiji BiH u kojoj su, u skladu s dogovorom s 17. sjednice, bili: Enes Obraliya, predsjednik Nezavisnog odbora, Mate Miletić i Milan Stanić, članovi Nezavisnog odbora;
- posjeti članova Nezavisnog odbora Državnoj agenciji za istrage i zaštitu u kojoj su, u skladu s dogovorom s 17. sjednice, bili: Miše Čavar, prvi zamjenik predsjednika Nezavisnog odbora, Enes Bezdob i Darko Kremenović, članovi Nezavisnog odbora.

Na 19. sjednici Nezavisnog odbora, održanoj 12. 12. 2022, članovi Nezavisnog odbora jednoglasno su usvojili Plan rada Nezavisnog odbora kao nezavisnog tijela policijske strukture Bosne i Hercegovine za 2023. godinu koji su, u skladu s članom 7. stav (1) Zakona o nezavisnim i nadzornim tijelima policijske strukture Bosne i Hercegovine i članom 9. Poslovnika o radu Nezavisnog odbora kao nezavisnog tijela policijske strukture BiH, prosljedili Parlamentarnoj skupštini BiH na usvajanje.

Dalje, jednoglasno su usvojili Izvještaje o posjetama Direkciji za koordinaciju policijskih tijela BiH, Graničnoj policiji BiH i Državnoj agenciji za istrage i zaštitu, koje su upriličene 14.11.2022.

Odjeljak B. Realizacija zadataka održavanjem sastanaka s rukovodiocima policijskih tijela BiH u skladu s Planom rada za 2022. godinu

Planom rada Nezavisnog odbora za 2022. godinu predviđeno je održavanje pojedinačnih sastanaka s rukovodstvom Direkcije za koordinaciju policijskih tijela BiH, Državne agencije za istrage i zaštitu i Granične policije BiH. Cilj ovih sastanaka je uvid u rad i upoznavanje s problemima s kojima se u radu susreću rukovodioci policijskih agencija BiH. Nezavisni odbor obavlja zadatke iz svoje nadležnosti i putem izvještaja o radu koji dostavlja Parlamentarnoj skupštini BiH na razmatranje i usvajanje informira je o problemima u radu policijskih agencija BiH iz svoje nadležnosti.

Nezavisni odbor je u 2022. godini, u skladu s članom 18. Poslovnika o radu Nezavisnog odbora i Planom rada Nezavisnog odbora za 2022. godinu, obavio posjete:

| Posjete | Datum posjete |
|--|----------------------|
| Direkciji za koordinaciju policijskih tijela BiH | 14. 11. 2022. |
| Graničnoj policiji BiH | 14. 11. 2022. |
| Državnoj agenciji za istrage i zaštitu | 14. 11. 2022. |

1. Direkciji za koordinaciju policijskih tijela BiH, 14. 11. 2022.

Sastanak članova Nezavisnog odbora kao nezavisnog tijela policijske strukture BiH s direktorom Direkcije za koordinaciju policijskih tijela BiH Mirsadom Vilićem, zamjenikom direktora Direkcije za koordinaciju policijskih tijela BiH Rankom Vukovićem održan je 14. 11. 2022. u prostorijama Direkcije za koordinaciju policijskih tijela BiH. U ime Nezavisnog odbora sastanku su prisustvovali: Uroš Pena, drugi zamjenik predsjednika Nezavisnog odbora, Nikola Džambas i Muhamed Mujakić, članovi Nezavisnog odbora, te Ivana Lovrić, sekretarka Nezavisnog odbora.

Direktor Direkcije za koordinaciju policijskih tijela BiH (u daljnjem tekstu: Direkcija) upoznao je članove Nezavisnog odbora o značajnim aktivnostima koje su imali u proteklom periodu kao i problemima s kojima se susreću u radu. Istaknuo je da su misija i vizija ove policijske agencije jačanje komunikacije s drugim tijelima u Bosni i Hercegovini.

Kada je riječ o Pravilniku o unutrašnjoj organizaciji i sistematizaciji radnih mjesta u Direkciji za koordinaciju policijskih tijela BiH, direktor je istaknuo da je on upućen Vijeću ministara BiH, ali da nije dobio saglasnost. Razlog za to je što nije dobio pozitivno mišljenje Ministarstva finansija i trezora BiH, ali i zbog problema u saradnji s EUROPOL-om. Naime, Pravilnikom o unutrašnjoj organizaciji i sistematizaciji radnih mjesta u Direkciji, u sklopu Sektora za međunarodnu policijsku saradnju, propisan je Odsjek za saradnju s EUROPOL-om, čije je sjedište u Direkciji za koordinaciju policijskih tijela BiH, a ugovorom o saradnji između BiH i EUROPOL-a propisano je da je tačka za kontakt s EUROPOL-om u prostorijama Ministarstva sigurnosti BiH. Da bi saradnja počela, neophodno je u isto vrijeme mijenjati Zakon o ministarstvima i drugim organima uprave BiH, Zakon o Direkciji za

koordinaciju policijskih tijela BiH, pravilnike o unutrašnjoj organizaciji i sistematizaciji radnih mjesta i Ministarstva sigurnosti BiH i Direkcije.

Dalje u razgovoru s članovima Nezavisnog odbora direktor je istaknuo da Direkcija trenutno štiti 136 objekata na čitavoj teritoriji Bosne i Hercegovine, što je regulirano Odlukom Vijeća ministara BiH o određivanju osoba, objekata i vrijednosnih pošiljki koji se štite. Naglasio je i da je u završnoj fazi izrada nove odluke o određivanju osoba, objekata i vrijednosnih pošiljki koji se štite, a koja će po završetku biti upućena Ministarstvu sigurnosti BiH, odnosno Vijeću ministara BiH.

Također, naglasio je da je u proceduri donošenja novog Zakona o policijskim službenicima BiH kojim se, između ostalog, predviđa eksterni premještanje policijskih službenika na nivou Bosne i Hercegovine. Takva izmjena bila bi veoma značajna za sve tri policijske agencije u Bosni i Hercegovini.

Naglasio je da u ovom trenutku nedostaje veliki broj policijskih službenika. Trenutno je na školovanju u Mostaru 50 kadeta pa bi se njihovim dolaskom donekle smanjio broj nedostatka policijskih službenika.

U razgovoru s članovima Nezavisnog odbora direktor je istaknuo da ima izuzetno dobru saradnju s drugim policijskim agencijama u BiH. Poseban akcenat je na saradnji s Graničnom policijom BiH kojoj pružaju konstantnu podršku u obavljanju poslova granične kontrole.

Na upit članova Nezavisnog odbora da li je riješen problem trajnog smještaja Direkcije, direktor je istakao da su bili u pregovorima s Vladom Kantona Sarajevo o etažiranju dijela prostorija JU „Studentski centar“ koje sada koriste a za koje plaćaju zakup, ali je trenutno sve na čekanju.

Na kraju su članovi Nezavisnog odbora naglasili da će i dalje, u okviru svojih nadležnosti, pružati podršku radu Direkcije za koordinaciju policijskih tijela BiH i poželjeli im mnogo uspjeha.

2. Graničnoj policiji BiH, 14. 11. 2022.

Sastanak članova Nezavisnog odbora kao nezavisnog tijela policijske strukture BiH s direktorom Granične policije BiH Zoranom Galićem, zamjenikom direktora Granične policije BiH Fahrudinom Halaćem i pomoćnikom direktora za organizaciju i operacije Draganom Kulićem održan je 14. 11. 2022. u prostorijama Granične policije BiH. U ime Nezavisnog

odbora sastanku su prisustvovali: Enes Obraliya, predsjednik Nezavisnog odbora, Mate Miletić i Milan Stanić, članovi Nezavisnog odbora.

Predsjednik Nezavisnog odbora naglasio je da je akcenat ovog razgovora na problematici koja se tiče migranata i ilegalnog prelaska granice kao i na aktivnostima koje Granična policija BiH preduzima i planira preduzimati u narednom periodu.

Kad je u pitanju migrantska kriza, direktor je informirao članove Nezavisnog odbora da se u proteklom periodu smanjio broj dolazaka migranata u BiH. Međutim, od augusta ove godine naglo se povećao broj dolazaka migranata, a najviše državljana Afganistana i Burundija. Razlog za to bi se mogao ogledati u činjenici da je susjedna država - Republika Srbija - imala bezvizni režim za te dvije zemlje. Međutim, od prije mjesec dana vratili su vizni režim za Burundi, što se itekako osjeti kad je u pitanju tranzit tih državljana kroz Bosnu i Hercegovinu. Dalje, direktor je istakao da su suočeni s problemom migracija pribjegavali mehanizmu unutrašnje preraspodjele, odnosno pojačanog angažiranja policijskih službenika na istočnoj granici. Sve to je proizvelo određeni broj tužbi policijskih službenika prema Graničnoj policiji BiH koji su na kraju, pred sudom, dobili sporove protiv Granične policije BiH, a što je rezultiralo obavezom plaćanja određenih troškova koje je bila dužna platiti Granična policija BiH.

Direktor je naglasio da ima dobru saradnju sa ostalim policijskim agencijama u BiH, a što se tiče saradnje s Ministarstvom sigurnosti BiH, ocijenio ju je izuzetno dobrom, pogotovo u posljednje vrijeme, navodeći da u najkraćem roku rješavaju sve probleme, imaju otvorenu komunikaciju bez zadržke.

Kada je u pitanju saradnja sa Službom za poslove sa strancima, s obzirom na to da s njima najtješnje sarađuju po pitanju migranata, direktor je istaknuo da je dobra, ali da se s vremena na vrijeme javljaju određeni problemi tehničke prirode. U tom smislu direktor je istaknuo da je formirana radna grupa koja radi na izmjenama Zakona o strancima. Jednim od prijedloga izmjena tog zakona propisivalo bi se da inspektori Službe za poslove sa strancima mogu obavljati određene poslove na samoj granici, ali o tome još uvijek nemaju saglasnost i jedinstven stav.

Direktor je istaknuo i da su u prvih devet mjeseci ove godine uputili više od 2.200 informacija drugim institucijama u BiH, uključujući MUP-ove entiteta i tužilaštva.

Na upit članova Nezavisnog odbora šta je sa „spornim konkursom“ o prijemu kadeta u Graničnu policiju i u kojoj je fazi, direktor je informirao da se određeni broj predmeta po

izjavljenim žalbama vodi pred Odborom za žalbe policijskih službenika, kao i pred Tužilaštvom BiH, te da za daljnje postupanje čekaju njihovu odluku.

Što se tiče kadrovske popunjenosti u Graničnoj policiji BiH, rukovodstvo je istaklo da na današnji dan, kao nikada do sada, nedostaje 507 policijskih službenika te su upozorili da će se sve policijske agencije, pa samim tim i Granična policija BiH, susresti s velikim odlivom kadrova jer generacije 1995. i 1996. uskoro odlaze u penziju. Odatle i bojazan u vezi s prenošenjem znanja na mlađe generacije, ali su istakli da rješenje vide u novom Zakonu o policijskim službenicima BiH kojim bi se omogućila fluktuacija policijskih službenika s državnog nivoa na entitetski i obrnuto.

Dalje, informirali su članove Nezavisnog odbora da su, nevezano za sporni konkurs, osigurali sredstva za novi konkurs za 125 policijskih službenika i 25 mlađih inspektora za koji vjeruju da će biti raspisan sredinom decembra ove godine.

Što se tiče rezultata rada, direktor je istakao da su u prvih devet mjeseci ove godine zabilježena 44 djela krijumčarenja ljudi te da je u tim akcijama 80 osoba lišeno slobode (66 državljana BiH i 14 stranih državljana).

Na kraju su članovi Nezavisnog odbora naglasili da će i dalje, u okviru svojih nadležnosti, pružati podršku radu Granične policije BiH i poželjeli im mnogo uspjeha.

3. Državnoj agenciji za istrage i zaštitu, 14. 11. 2022.

Sastanak članova Nezavisnog odbora kao nezavisnog tijela policijske strukture BiH s direktorom Državne agencije za istrage i zaštitu Darkom Čulumom i zamjenikom direktora Državne agencije za istrage i zaštitu Đurom Kneževićem održan je 14. 11. 2022. u prostorijama Državne agencije za istrage i zaštitu. U ime Nezavisnog odbora sastanku su prisustvovali: Miše Čavar, prvi zamjenik predsjednika Nezavisnog odbora, Enes Bezdrob i Darko Kremenović, članovi Nezavisnog odbora.

Direktor Državne agencije za istrage i zaštitu Darko Čulum na početku je ukratko upoznao članove Nezavisnog odbora o realiziranim aktivnostima, aktivnostima koje su planirane za naredni period kao i problemima s kojima se susreću u radu.

Istaknuo je da veliki problem za ovu agenciju trenutno predstavlja Pravilnik o unutrašnjoj organizaciji i sistematizaciji radnih mjesta te neusvajanje novog Zakona o policijskim službenicima BiH koji je trenutno u parlamentarnoj proceduri, a kojim se, između ostalog,

predviđa eksterni premještaj policijskih službenika na nivou BiH. Takva izmjena bila bi veoma značajna za Državnu agenciju za istrage i zaštitu jer bi njegovim usvajanjem bili u mogućnosti preuzeti policijske službenike i iz drugih agencija koji imaju radnog iskustva. Ovako su „osuđeni“ samo na mlađe inspektore s godinom ili bez radnog iskustva, te njihovo obučavanje iziskuje dosta vremena.

Dalje, direktor je upoznao članove Nezavisnog odbora i o problemu koji imaju sa softverom *interface* koji je potrebno nadograditi, a za čiju nadogradnju bi trebalo izvojiti 4-5 miliona KM. Međutim, Državna agencija za istrage i zaštitu ne raspolaže tim finansijskim sredstvima pa su ih pokušali naći kroz razne međunarodne fondove, ali nije uspjelo.

Rukovodstvo Državne agencije za istrage i zaštitu naglasilo je da ima izuzetno dobru saradnju sa ostalim policijskim agencijama u BiH, a posebno su naglasili saradnju s Graničnom policijom BiH kojoj, u skladu sa svojim mogućnostima, pruža podršku u zaštiti državne granice, kao i s Direkcijom za koordinaciju policijskih tijela BiH. Istakli su i veoma dobru saradnju s Tužilaštvom BiH kao i Obavještajno-sigurnosnom agencijom BiH.

Također, imaju dobru saradnju i s međunarodnim predstavništvima u BiH posredstvom kojih se doniraju određena sredstva i održavaju razni vidovi obuka na visokom nivou za policijske službenike.

Članovi Nezavisnog odbora na kraju su naglasili da će Nezavisni odbor, u okviru svojih nadležnosti, nastaviti da pruža podršku radu Državne agencije za istrage i zaštitu, te poželjeli mnogo uspjeha u daljnjem radu ove agencije.

POGLAVLJE IV. SARADNJA S MEĐUNARODNIM ORGANIZACIJAMA I OSIGURANJE JAVNOSTI RADA

Najave svih sjednica Nezavisnog odbora se blagovremeno dostavljaju predstavnicima OHR-a i Delegaciji Evropske unije u BiH čiji su predstavnici prisustvovali većini sjednica Nezavisnog odbora.

Sve sjednice Nezavisnog odbora pratili su i zaposleni u Sektoru za odnose s javnošću Sekretarijata Parlamentarne skupštine BiH. Javnost se može upoznati s radom Nezavisnog odbora i putem akata koje je ovaj odbor usvajao i putem zapisnika, jer su objavljeni na internetskoj stranici Parlamentarne skupštine BiH. Na ovaj način osigurana je transparentnost rada Nezavisnog odbora.

POGLAVLJE V. ADMINISTRATIVNO-TEHNIČKA PODRŠKA RADU

Zajednička služba Sekretarijata Parlamentarne skupštine BiH je, prema Zakonu o nezavisnim i nadzornim tijelima policijske strukture u BiH, zadužena da pruža svu administrativno-tehničku podršku radu Nezavisnom odboru. Zajednička služba osigurala je potrebne uslove za rad Nezavisnog odbora angažiranjem stručnog osoblja, ali i osiguravanjem materijalno-tehničkih i drugih uslova za nesmetan rad.

POGLAVLJE VI. PREPORUKE I ZAKLJUČCI

Nezavisni odbor realizirao je programske aktivnosti planirane u 2022. godini, a u skladu sa Zakonom o nezavisnim i nadzornim tijelima policijske strukture Bosne i Hercegovine.

Nezavisni odbor predlaže Parlamentarnoj skupštini BiH da usvoji Izvještaj o radu Nezavisnog odbora kao nezavisnog tijela policijske strukture u BiH za 2022. godinu.

**PREDSJEDNIK
NEZAVISNOG ODBORA**

Enes Obralića

PRILOG: Tabelarni prikaz održanih sjednica i prisustvo članova Nezavisnog odbora u 2022. godini